

Guangjisi Minzcu Bau

ganhhau: CN45-0036 B.2018 Nd.1 Ng.3 liggaeuq dingyoux nienz ndwenit cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3306期

《Fwenbuenz Bouxcuengh Yinhcwngz》Cingqsik Oksaw

《忻城壮族盘歌》正式出版

Hong soucomz、fanhoiz caeuq cingjleix 《Fwenbuenz Bouxcuengh Yinhcwngz》daj bi 2015 co hainduj, gungh sai bae song bi lai seizgan, youq bi 2017 daej cingqsik oksaw. Gij swliu cek saw neix youq Yinhcwngz Yen caeuq dieg Bouxcuengh yienh、si henzgyawj soucomz.

Cek saw neix yungh sam faenh saw guh fanhoiz, hangz daih'it dwg Sawndip; hangz daihngaih dwg Sawcuengh doiq hoiz; hangz daihsam dwg Sawgun cigsoh fanhoiz; hangz daihseiq dwg Sawgun hoiz eiqsei.

Fwen Yinhcwngz miz gij lizsij gyaeraez, Fwenbuenz dwg cungj fwen dox doiqdap he, dwg gij fwen ndawbiengz Bouxcuengh、Bouxcun Yinhcwngz doengzcae caux, cujyau riuz youq baihnanz Dahcangz-gyangh. Youq hoihfwen guek raeuz haujai minzcuz vunznoix, daegbied dwg youq hawfwen minzcuz vunznoix Guengsae, Fwenbuenz baenz gij hingzik doiq fwen canghfwen doxdax dungxcaiz, hix dwg aen bingzdaiz doxhag, doxcienz cihisiz.

Youq mwh lizsij hwngfat, coj-

coeng Bouxcuengh Yinhcwngz caux le haujai sawgeq minzcuz, lumj-baenz Fwenbuenz daengj, gaeng baenz gij vwnzva minzcuz dijbauj ce roengzdaeuj Yinhcwngz. Oksaw 《Fwenbuenz Bouxcuengh Yinhcwngz》, doiq hong yenzgiu lizsij vwnzva minzcuz daengx gih miz gaenxmaenx cozyung, doiq yenzgiu vwnzva minzcuz、cunghgyau、minz-suz caeuq dingh'ok minzcuz cwnge-cwz miz camgauj gyaciz.

(Lanz Cunghcwngz/蓝忠成)

SIUSIK DINJ

简讯

● Bi 2017 ndwen 12 ngoenz 30, youq Liujcouh Si Sanhgyangh Dungcuw Swciyen Liengzgouj Yangh Bwzmauz Cunh Mbanjdangzgung, 12 ranz ranzgungzhoj aenvih ndaej ik gij cwngecwz senj dieg bangfuz senj ranz ndaej senj haeuj ranzmoq, yungh cungj fuengsik daegbied neix angqcoux bi moq daeujdaengz. Bi 2016 doxdaeuj, aen yienh neix gyalai ligdoh senj dieg bangfuz senj ranz, dajveh yungh 3 bi hwnjguh 30 aen hanghmoeg senj dieg bangfuz senj ranz, daengz bi 2017 daej, gaeng guhsat hanghmoeg 19 aen, mauhgvaq 3800 ranz ranzgungzhoj lingx ndaej yaekseiz ranzmoq.

(Liz Hanzsiz)

● Bi 2017 doxdaeuj, Denz-yangz Yen Minzyijban haenqrengz haiguh cinjing gapdoiq bangfuz, cietsaed gaijgez gij saedsaeh hojnanz vunzlai gungzhoj, vih cinjing vut gungz caux mizleih diuzgienh. Seizneix, aen minzyijban neix bangfuz Nazmanj Cin Sinhloz Cunh 35 ranz ranzgungzhoj cungj daengz "bet miz it mauh" vut gungz biucinj, bang doi Sinhloz Cunh daengx cunh ciuq seiz vut "aenmauh" gungzhoj bae.

(Maj Nizya)

● Mboengqneix, Denzlinz Yen Luzlungz Cin senhconz gij cingsaenz Cibgouj Daih dangj Vahcuengh Heiqcuengh "gvaengh daengq" vwnzyi yienjok faenbied youq Dunglung Cunh caeuq Luzlungz Cunh yienj. Vanjvei miz vaiqbanj Vahcuengh、gofoux Bouxcuengh、Heiqcuengh siujbinj daengj lai cungj biujyienj hingzik, dawzndaet gij cingsaenz Cibgouj Daih dangj, senhconz leihnungz cwngecwz、fanj dam fanj nduknaeuh、lajmbanj bienqvaq moq daengj. Yienjok yienh'ok le gij cingsaenz yienghsiengq aen cin neix gaenxmaenx doxhwnj, caux ok le gij vwnzva heiqfaenh naekna.

(Liengz Yuijyuij)

● Mboengqneix, Nanzdanh Yen Cwnzgvanh Cin comz baenz aen duenzsenhgyangj "daengqgeg" vah minzcuz vunznoix, bae gak mbanj, yungh Vahcuengh、Vahyauz daengj vah minzcuz vunznoix gangj gij cingsaenz Cibgouj Daih dangj hawj vunzlai gak cuz, hawj vunzlai dingq rox, maij dingq, yungh vah minzcuz depgaenh vunzlai, yungh vahgyasaeh cienz gvancez cingsaenz, gejjangj gij vwndiz caeuq cwngecwz vunzlai cei qgvansim haenx.

(Sunh Yaujgen)



Yungzsuij: Aenvenz Caijdangz Coux Bi Moq

融水:芦笙踩堂迎新年

Ndwen 1 ngoenz 1, Yungzsuij Myauzcuz Swciyen banh aen hozdung aenvenz caijdangz coux bi moq, geij bak boux beixnuengx Myauzcuz ndang daenj buhvaq minzcuz, ciengqgo diuqfoux, angqho h yenzdan, angqcoux bi moq daeujdaengz. Ndaw doz dwg beixnuengx Myauzcuz cingq bon aenvenz.

(Lanz Linzi/蓝林智)

Namzningz Roensiuanh Siujyoz Banh Aen Vanjvei Hoh Yenzdan Coux Ciengmoq

南宁秀安路小学举办元旦迎新春晚会

Bi 2017 ndwen 12 ngoenz 26, Namzningz Si Roensiuanh Siujyoz banh aen vanjvei hoh yenzdan coux ciengmoq bi 2018. Namzningz Si Minzcunghvej、Namzningz Si Gya-yuz Gohyoz Yenzgiusoj、Namzningz Si Minzyijvej、Sihyanghdangz Gih Minzcunghgiz、Sihyanghdangz Gih Gya-yuzgiz daengj danhvei lingjdauj ndaej iucingj bae camgya hozdung.

Baez vanjvei neix cienzbouh yungh Cuengh Gun song cungj vah

guh cujci. Daengx ciengz vanjvei gungh miz 15 aen cezmu, doenghgij cezmu neix 70% yungh Vahcuengh biujyienj. Lumjbaenz Roensiuanh Siujyoz biujyienj 《Fwen Itloh Ciengq Maez Vunz》, Luz Cwnsin 《Son Mwngz Gangj Vahcuengh》《Gou Daj Mbanjcuengh Daeuj》, Vangz Genhungz 《Gingq Mwngz Sam Cenj Laeuj》, Vujmingz Gih Gingloz Siujyoz 《Cingz Rim Haeux-naengj Haj Saek》《Fwen Laex

Bouxcuengh》, Luz Yiz 《Meh Bae Cammo》《Ngoenzneix Dwg ciengmoq》, Liengzging Gih Nanzyauij Cin Cungsim Hagdangz biujyienj fwenliuzloh 《Fwen Ngeihcib Seiq Cietheiq》《Fwen Va'ngaeux Hai》daengj. Doenghgij fwen Bouxcuengh neix yaem'wenq huzndei、dih lai yienh、sing ndeidingq ndaej daengz bouxyawj yienhciegz dopfwngz haenh.

(Veiz Yinjsenz/韦尹璇)